

GRAD NOVI PAZAR
SKUPŠTINA GRADA
Odbornička grupa SDA Sandžaka

Novi Pazar

9. februar 2022. godine

P R E D S J E D N I K U
SKUPŠTINE GRADA NOVOG PAZARA

Na osnovu člana 44. stav 1. i člana 149. Statuta grada Novog Pazara („Službeni list grada Novog Pazara“, broj 6/19), člana 44. stav 1. i člana 138. stav 1. Poslovnika Skupštine grada Novog Pazara („Službeni list grada Novog Pazara“, broj 6/19) podnosimo **PRIJEDLOG ODLUKE O USPOSTAVLJANJU DIREKTOG JAVNOG PRENOSA SJEDNICA SKUPŠTINE GRADA**, sa prijedlogom da se, shodno članu 109. Poslovnika Skupštine grada Novog Pazara, uvrsti u dnevni red i donese na sjednici Skupštine grada koja će se održati 10. februara 2022. godine.

Ovlašteni predstavnik odborničke grupe SDA Sandžaka po ovoj tački dnevnog reda je zamjenik predsjednika odborničke grupe mr. **Emir Aščerić**.

Predsjednik odborničke grupe

Ahmedin Škrijelj

PRIJEDLOG

Na osnovu člana 46. stav 1, tačka 2), člana 71. stav 1. Zakona o lokalnoj samoupravi („Službeni glasnik RS“, broj 129/2007, 83/2014 – dr. zakon, 101/2016 – dr. zakon i 47/2018), člana 12, člana 46, člana 49 i člana 147. Statuta grada Novog Pazara („Službeni list grada Novog Pazara“, broj 6/19), i člana 137. Poslovnika Skupštine grada Novog Pazara („Službeni list grada Novog Pazara“, broj 6/19), Skupština grada Novog Pazara na sjednici održanoj _____ 2022. godine, donosi

O D L U K U

o uspostavljanju direktnog javnog prenosa sjednica Skupštine grada

Član 1.

Obavezuje se Gradska uprava za izvorne i povjerene poslove Grada Novog Pazara da, u roku od 15 dana od dana donošenja ove odluke, uspostavi uslove za direktan javni prenos sjednica Skupštine grada.

Član 2.

Gradska uprava za izvorne i povjerene poslove će, u okviru svojih službi, obezbijediti prenošenje sjednica za javnost putem zvaničnog internet portala Skupštine Grada Novog Pazara (www.eskupstina.novipazar.rs).

Član 3.

Direktni javni prenos sjednica Skupštine grada će početi od prve naredne sjednice.

Član 4.

Ovu Odluku objaviti u „Službenom listu grada Novog Pazara“.

SKUPŠTINA GRADA NOVOG PAZARA

Broj:

U Novom Pazaru, _____. _____ 2022. godine

PREDSJEDNICA

Dr. Anela Šemsović

O B R A Z L O Ž E N J E:

Pravni osnov za donošenje akta:

Pravni osnov za donošenje ove odluke je sadržan je u članu 46. stav 1, tačka 2), člana 71. stav 1. Zakona o lokalnoj samoupravi („Službeni glasnik RS“, broj 129/2007, 83/2014 – dr. zakon, 101/2016 – dr. zakon i 47/2018), člana 12, člana 46, člana 49 i člana 147. Statuta grada Novog Pazara („Službeni list grada Novog Pazara“, broj 6/19), i člana 137. Poslovnika Skupštine grada Novog Pazara („Službeni list grada Novog Pazara“, broj 6/19).

Razlozi za donošenje akta:

Statut Grada i Poslovnik Skupštine grada propisuju da je rad Skupštine javan. Građani Novog Pazara, do sada, nisu imali adekvatan uvid u rad Skupštine, kao ni u sam tok sjednice. Ovom odlukom će se dati obaveza Gradskoj upravi za izvorne i povjerene poslove, da uspostavi sistem za direktan javni prenos sjednica putem zvanične internet stranice Skupštine grada.

Gradska uprava za izvorne i povjerene poslove, u okviru svojih organizacionih jedinica, raspolaže sa službama za informisanje i informacione tehnologije, te dovoljno osposobljenog kadra i kapaciteta da obezbijedi javni prenos preko internet servisa Skupštine.

Uspostavljanjem direktnog javnog prenosa sjednica, osiguraće se transparentniji rad Skupštine, prema građanima, čiji se interesi zastupaju, ali i unaprijediti zainteresovanost građana prema ovom najvišem gradskom organu.

Objašnjenje pojedinačnih rješenja propisanih ovim aktom:

Član 1. i Član 2: Utvrđen je predmet odluke, odnosno obaveza Gradske uprave za izvorne i povjerene poslove o uspostavi direktnog javnog prenosa sjednica Skupštine grada.

Član 3: Utvrđen je rok za izvršavanje obaveza propisanih ovom Odlukom.

Član 4: Propisana je obaveza objavljivanja ovog akta u „Službenom listu grada Novog Pazara“.

Finansijska sredstva za sprovođenje ove odluke nisu potrebna.